

Protocol no. 70
Sezzüda da lündeschdi, 30 avuost 2010, 20.00 – 22.10

Preschaints: Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol)

Protocol

Il protocol no. 69 da la sezzüda dals 23 avuost 2010 vain approvà.

629 021 FABRICA
Batschwaroff Markus – Fouras geotermicas – Saglina 22

Il Cussagl cumünal decida da dar il permiss pel intent manzunà aint il titul cun seguaintas cundiziuns:

1. Tenor la dumonda acclusa al permiss da fabrica.
2. Il permiss chantunal importa fr. 200.--.
3. Taxa da trattamaint da fr. 100.--.

630 300.365 Contribuziuns e donaziuns
Reponderaziun proget da tuors

Il cussagl cumünal vaiva illa sezzüda dals 18 mai 2010 contribui fr. 500.-- per ün proget da tuors lantschà dal l'Archiv cultural d'Engiadin' Ota in collavuraziun cul servezzan archeologic Grischun. L'intenziun es da montar tablas d'infuormaziun vi da 14 tuors o ruinas in Engiadina Bassa ed Engiadin'Ota. A Sent füss integrà la tuor San Peder culla baselgia. Tenor infuormaziuns dal iniziand nu saja però pussibel da montar, causa chi's tratta d'ün lö privat, üna tala tabla.

Il Cussagl cumünal decida istess da laschar far quista tabla per tilla plazzar in ün lö public in vicinanza da la baselgia.

632 790 PLANISAZIUN DAL TERRITORI
Magazin vegl da muniziun

Il schef da fabrica orientescha d'üna charta adressada a l'Uffizi da planisaziun, illa quala vain dumandà sch'id es pussibel da douvrar quist object, ch'id es in possess privat, per ün oter adöver (atelier per pitturar).

633 300

PROMOZIUN DA CULTURA

Dumonda da sustegn – Museum Ruedlinger

Il Cussagl cumunal piglia cogniziun da la charta da sar Ruedlinger chi dumonda ün sustegn per seis museum, chi muossa sco cha nos perdavants, paur, vivaivan in üna chasa engiadinaisa. El dumonda sustegn pel seguaint:

- Ramassar e mantegner la cultura rumantscha
- Lavur publica
- Infrastructura
- Guidas

Nos schef turistic, Georg Salomon, piglia sü contact cun sar Ruedlinger per discuter la chosa e per eruir in che roms chi saja pussibel pel cumün da sustegner il museum.

634

Varia

Termins da radunanza e da votumaziuns

Las prosmas radunanzas cumünalas han lö als 16 settember 2010 ed als 7 october 2010. Als 24 october 2010 ha lö la prüma votumaziun cumünala a l'urna.

L'actuar: